

札

樸

札樸第二目錄

溫經

闕隧

寤生二事

餬口

扞衛

蜮

毀

慝

越

周旋

駢脅

鵠

不咸

貫三人耳

距躍三百

在胸曰鞠

泝水

盛

魯人

振廩

丹漆若何

郊廓

殪戎殷

重人

芟夷

駢旄

闔閭

勇爵

啓

男女以班

使公治問

復陶

褚

蠱

選

離衛

野合

天札

卞縣

戲陽

會有表

著

坻

庸

藉

逸詩

五侯

幹

匕矢鏃

鑒

漠然清靜

龍輔

狸製

麋

及良而卒

衷甸

發聲

及

無棣

屈產之乘

介雞

誦

灼

記曰

暴桑

昧

側

詒

未盡

嘔血

末減

距堙

人名誤字

良恭

復言

德

雖欲勿用

汶上

亾

幾諫

晝寢

嘑

文史辭達

鄒人

約

政事

躁

憮然

稻

晉書說論語

遠庖厨

踵門

易其田疇

布縷

隱几

晝

好勇鬪很

範我馳驅

檣杙

挫

山徑之蹊間介然用之而成路

李善引孟子

擴充

憫

稱貸

標

折枝

追蠡

鰕鱗

函人

札樸第二目錄終

礼樸第二

曲阜 桂馥 未谷撰

溫經

闕隧

隱元年左傳潁考叔曰若闕地及泉隧而相見杜氏云
隧若今延道於闕地無注襄二十一年傳闕地下冰而
牀焉吳語闕爲深溝於商魯之間北屬之沂管子山權
數篇北郭有掘闕而得龜者注云掘穿也求物及穿地
至泉曰闕文選秋興賦闕側足以及泉兮雖猴猿而不
履五臣云言留側足之地掘而及泉雖猴猿之捷豈能

履哉詩蜉蝣掘閱鄭箋掘地解閱謂其始生也然則掘
閱掘闕卽左氏闕地之義周禮闕狄玉藻作掘狄喪大
記夫人以屈狄內司服作闕狄先鄭云屈者音聲與闕
相似隧當爲閔說文兩阜之間也徐鉉本音似醉切明
刻小字本誤改房九切兩阜之間謂兩邊高中央下故
字从兩阜晉文公請隧及郊外有隧竝當作閔經典變
作隧便於隸體耳

寤生二事

程魚門編修言鄭莊公寤生苦無比照閱數年余搜得
二事而編修歿矣崔鴻南燕錄晉咸康二年公孫夫人

晝寢生慕容德左右以告方寢而起慕容皝曰此兒易生似鄭莊公長必有大德遂以德爲名三十國春秋前秦蒲洪父懷歸於部落小帥其母姜氏因寤產洪驚悸而寤

余初疑寤當作悟謂倒產及得二事不敢復執前說矣

餽口

隱十一年傳寡人有弟不能和協而使餽其口於四方注云餽餽也正義云說文云餽寄食也昭七年傳云餽於是餽於是以餽予口釋言云餽餽也則餽是餽餽別

名馥案釋言之餽本作齧杜意以餽爲齧故誤訓齧當從說文寄食之義

扞衛

桓十二年傳楚伐絞軍其南門莫敖屈瑕曰絞小而輕輕則寡謀請無扞采樵者以誘之杜注扞衛也馥謂扞當爲攷說文攷止也言無止采樵者

蜮

春秋莊十八年秋有蜮服虔劉向皆以爲短狐案沙隨春秋例目云考隸古春秋作蜮音特又案呂覽任地篇大草不生又無螟蜮高誘曰蜮或作蜮後漢書明帝紀

去其螟域沙隨之說信爲有徵短狐非魯地所有也

毀

莊三十年傳鬪穀於莧爲令尹自毀其家以紓楚國之難杜注毀滅也馥案毀謂破家蒼頡篇毀破也

慝

莊二十五年傳唯正月之朔慝未作杜注慝陰氣案傳云夏六月朔日有食之鼓用牲於社非常也秋大水鼓用牲於社于門亦非常也馥謂慝本作愆說文愆失常也與傳意合

越

僖九年傳恐隕越于下注云隕越顛隊也案成二年傳射其左越于車下注云越隊也

周旋

僖二十三年傳其左執鞭弭右屬櫜鞬以與君周旋注云周旋相追逐也案十五年晉惠公與秦戰乘小駟慶鄭曰進退不可周旋不能君必悔之晉戎馬還泞而止馥謂還泞而止卽不能周旋宣十二年傳少進馬還注云還便旋不進文十八年傳行父還觀莒僕注云還猶周旋玉藻周還中規釋文還本亦作旋是也說文服下云車右騎所以舟旋又般下云辟也象舟之旋經典作

周還二文皆假借杜氏不解舟旋義釋爲追逐失之

駢脅

駢脅釋文云說文云駢脅并也案正義引說文駢脅并
幹也韋注國語同釋文并下脫幹字

鵠

僖二十四年傳鄭子臧好聚鵠冠說文鵠知天將雨鳥
也禮記曰知天文者冠鵠案子臧之鵠冠卽爾雅翠鵠
郭註似燕紺色生鬱林者也說文知雨之鵠卽戰國策
所稱啄蚌者也二鳥名同物異說者易誤

說文所引禮記今無此文逸周書知天文者冠鵠又

禮圖術氏冠鵠

不成

僖二十四年傳昔周公弔二叔之不成杜注咸同也馥案同當爲周莊子知北游周徧咸三者異名同實其指一也

貫三人耳

僖二十七年傳鞭七人貫三人耳正義云耳助句也馥案貫耳軍法也司馬法小罪聯說文聯軍法以矢貫耳也

距躍三百

廣韻超下云超越案僖二十八年傳距躍三百曲踊三百注云距躍超越也曲踊跳踊也百猶勵也訓百爲勵所未能詳似不如超越義近

在胸曰鞞

詩小戎陰鞞蓋續正義云鞞者以皮爲之繫於陰板之上令驂馬引之哀元年左傳我兩鞞將絕吾能止之正義云僖二十八年注云在胸曰鞞然則此皮約馬胸而引車軸也馥案此與陰板上之說大異僖二十八年傳所謂鞞鞞鞞杜所謂在胸曰鞞者兩鞞字皆斬之譌正義失於研審耳定九年傳吾從子如驂之斬正義云

說文云靳當膺也則靳是當胸之皮也馥謂此說得之
杜所云在胸卽說文之當膺

勒靳形似易誤小戎傳勒環釋文云勒本又作靳沈
云舊本皆作靳

泚水

僖三十三年傳晉陽處父侵蔡楚子上救之與晉師夾
泚而軍注云泚水出魯陽縣東經襄城定陵入汝釋文
音雉馥案泚借字當爲滢說文滢水出南陽魯陽堯山
東北入汝廣韻雉滢同紐竝音直几切

盛

文十二年經盛伯來奔莊八年公羊經夏師及齊師圍成傳云成者盛也盛則何爲謂之成諱滅同姓也字通作郕廣韻郕地名也在東平玉篇東平亢父縣有郕鄉隱五年經衛師入郕穀梁云郕國也杜注左傳云東平剛父縣西南有郕鄉僖二十四年左傳管蔡郕霍文之昭也公羊所謂魯之同姓桓十一年經公會宋公于夫鐘杜注夫鐘郕地馥謂此與魯孟氏之郕邑遠不相涉說者牽合爲一失之

孟氏郕邑杜注謂在泰山鉅平縣東南括地志謂在兗州泗水縣西北五十里

魯人

文十五年傳魯人以爲敏注云無故揚其先祖之罪是不敏魯人以爲敏明君子所不與也正義云魯人魯鈍之人馥案經書宋司馬華孫來盟傳云書曰宋司馬華孫貴之也是經傳皆無貶詞華耦以其曾祖督有罪自以爲罪人子孫不敢與魯公宴可謂自審故魯人稱其敏敏審也僖二十三年傳辟不敏也注敏猶審也華督名在冊書世所共知何爲揚其先祖之罪乎文十八年傳云魯人謂之哀姜豈亦魯鈍之人耶

振廩

文十六年傳振廩同食注云振發也案說文𣎵穀所振入宗廟粢盛顏注漢書昭帝紀廩穀所振入也

丹漆若何

宣二年傳役人曰從其有皮丹漆若何案華元驂乘歌牛則有皮犀兕尙多棄甲則那故役人云縱有皮其如無丹漆何蓋甲以丹漆爲飾也襄三年傳使鄧廖帥組甲三百注云組甲漆甲正義云漆甲成組文今時漆甲有爲文者

邾鄫

宣三年傳成王定鼎于邾鄫案京相璠曰邾山名鄫地

邑也寰宇記邙山在河南縣一名平逢山亦邙山之別名也史記索隱鄔謂田厚耨

殪戎殷

宣六年傳引周書殪戎殷注云義取周武王以兵伐殷盡滅之案成二年傳左輪朱殷注云血色久則殷殷音近煙今人謂赤黑爲殷色馥謂殪戎殷殷亦血色猶言血流漂杵皆史之盛詞也中庸作壹戎衣齊人言殷聲如衣

重人

成五年傳晉侯以傳召伯宗伯宗辟重曰辟傳重人曰

待我不如捷之速也注云重載之車案宣十二年傳楚重至於邲注云重輜重也正義云輜重載物之車也說文云輜前後蔽也蔽前後以載物謂之輜車載物必重謂之重車人挽以行謂之輦襄十年傳稱秦堇父輦重如役挽此車也輦謂重人言待我不如捷之速是重人亦挽行挽重故不能急避

芟夷

成十三年傳芟夷我農功案說文芟以足蹋夷艸引春秋傳芟夷蒞崇之輦謂芟夷當爲芟夷夷平也讀如塞井夷竈之夷

駢旄

襄十年左傳吾七姓從王牲用備具王賴之而賜之駢旄之盟正義云旄謂尾也共旌旗之用故其字從从旌旗行而從風偃也馥謂旄借字當作髦史傳髦皆借旄字此駢旄謂牛牲非犛牛故應稱髦不稱尾髦猶剛鬣柔毛耳

闔閭

襄十七年傳吾儕小人皆有闔廬以辟燥溼寒暑杜注闔謂門戶閉塞馥案晏子春秋作闔閭吳王名闔閭亦作闔廬

勇爵

襄二十一年傳莊公爲勇爵注云設爵位以命勇士案
勇爵以爵酒獎勵勇士如二桃也故殖綽郭最欲與焉
欲飲此爵酒也若爵位豈二臣所敢干與

膺

廣雅膺膺也字林膺膺膺山海經無膺之國在長股東
爲人無膺郭注膺肥腸也馥案襄二十三年傳啓牢成
御肱商子車御大殿商子游御杜注左翼曰啓右翼曰
肱大殿後軍馥謂啓卽膺三者皆取名於身殿卽展謂
脾也肱卽胎掖下也

男女以班

襄二十五年傳男女以班劉炫云哀元年蔡人男女以
辨與此同杜意男女分別將以賂晉也炫謂男女分別
示晉以恐懼服罪非以爲賂也馥案鄭伐陳亦在襄二
十五年
陳侯使其衆男女別而纍以待於朝此言囚繫男女將
爲鄭僕妾竝非賂鄭據此則劉之規杜是也

使公治問

襄二十九年傳公還及方城季武子取卞使公治問璽
書追而與之杜讀問字絕句獨斷云季武子使公治問
璽書此諸侯大夫印稱璽也蔡讀璽書屬上

復陶

襄三十年傳使爲復陶杜注主衣服之官昭十二年傳
楚子次於乾谿雨雪王皮冠秦復陶翠被豹舄執鞭以
出杜注復陶秦所遺羽衣也釋文云復音服一音福馥
案釋名翻陶也其貌陶陶下垂也復陶蓋以羽爲之有
似於翻故可障雨雪也

褚

襄三十年傳子產爲政一年與人誦之曰取我衣冠而
褚之取我田疇而伍之杜注褚畜也奢侈者畏法故畜
藏案褚伍對言皆謂子產褚之伍之上文子產使都鄙

有章上下有服是取衣冠褚之也田有封洫廬井有伍是取田疇伍之也說文褚卒也卒衣有題識者子產使衣冠各有題識限以等級不得僭亂故與人怨焉定十年傳叔孫氏之甲有物吾未敢以出注云物識也

蠱

昭元年傳穀之飛亦爲蠱論衡商蟲篇穀蟲曰蠱蠱若蛾矣粟米饘熟生蟲述異記晉末荊州久雨粟化爲蠱

蟲

選

昭元年傳秦后子有寵於桓如二君於景其母曰弗去

懼選杜注選數也恐景公數其罪而加戮馥案盤庚世選爾勞傳云選數也詩不可選也傳云不可數也朱穆絕交論引詩作不可算也論語何足算也漢書車丞相贊作何足選也馥謂選當爲巽說文巽具也算從具云數也聃從顛顛與巽同顛下云選具也選亦當爲巽

離衛

昭元年傳楚公子圍設服離衛注云二人執戈陳於前以自衛離陳也正義云離之爲陳雖無正訓兩人一左一右相離而行故稱離衛離亦陳之義馥謂比因二人執戈遂爲臆說也是年傳又云魏舒爲五陳以相離兩

於前伍於後專爲右角參爲左角偏爲前拒豈五陳亦
兩人一左一右相離而行耶離卽魚麗之麗麗旅行也

野合

史記梁公野合而生孔子案野合言未得成禮於女氏
之廟也昭元年傳楚公子圍娶於公孫段氏鄭行人請
蕀聽命楚太宰曰圍布几筵告於莊共之廟而來若野
賜之是委君貺於草莽也又使圍蒙其先君杜注告先
君而來不得成禮於女氏之廟故以爲欺先君馥謂蕀
在城外除地行婚禮卽野合也故曰野賜之

天札

昭四年傳民不夭札注云短折爲夭夭死爲札釋文云
札側八反一音截夭死曰札字林作此下脫壯列反云
夭死也又十九年傳札瘥夭昏注云夭死曰札小疫曰
瘥短折曰夭未名曰昏釋文云札側八反一音截夭死
也字林作死壯列反云夭死也馥案注及釋文皆誤注
所云夭死爲札當爲大死釋文引注夭死曰札亦當爲
大死玉篇死夭死與字林同廣韻死癘死卽大死周禮
大司樂大札令弛縣鄭注札疫癘也說文疫民皆疾也
民皆疾故曰大死大死曰札小疫曰瘥大死對小疫

昭七年傳吾與子桃注云魯國卞縣東南有桃虛襄十
七年傳齊侯伐我北鄙圍桃注云弁縣東南有桃虛案
卞弁皆破體篆作卞韓勅碑作卞楷書之弁由篆變也
卞由隸變也

戲陽

昭九年傳晉荀盈如齊逆女還六月卒於戲陽杜注魏
郡內黃北有戲陽城後漢光武紀二年秋八月帝自將
征五校丙辰幸內黃大破五校於萆陽章懷注引左傳
戲陽馥案說文義墨翟書從弗魏郡有萆陽鄉戲借字
卽萆陽

會有表

昭十一年傳會有表注云野會設表以爲位正義云俗本表下有旗謬也野會設表以爲位亦當有物記處如今之位版也馥案說文朝會束茅表位曰蒹引國語致茅蒹表坐正義引覲禮上介奉其君之旂置于宮及周禮大司馬敎大閱門立四表又嫌不合大夫之會乃云大夫聚會亦應有以表位但無文以言耳馥謂國語表坐之言顯有按據何謂無文

著

傳又云朝有著定杜注著定朝內列位常處謂之表著

劉炫規過謂下文有著有表二文不同以著定爲朝有著不得謂之表著案劉說是也十二年傳云若不廢君命則固有著矣杜云著位次十六年傳云其祭在廟已有著位服虔云孔張先祖配廟食案

坻

昭十二年傳有酒如淮有肉如坻杜注淮水名坻山名劉炫謂山無名坻者以坻爲水中之地馥案劉氏規杜固多是處惟此說未允孔氏正義謂坻之小何得對淮之大水是也案坻依字當爲陴說文秦謂陵阪曰陴傳下文有酒如澠有肉如陵則知坻當作陵阪之陴矣

庸

昭十六年傳庸次比耦案方言庸代也廣雅次比代也
藉

昭十八年傳鄆人藉稻案史記武安侯傳今吾身在也
而人皆藉吾弟注云藉蹈也說文藉下云艸不編狼藉
逸詩

昭十九年傳諺曰無過亂門呂氏春秋引詩同高誘曰
逸詩案古者謠諺皆謂之詩其采於適人者如國風是
也未采者傳聞里巷凡周秦諸書引詩不在四家編內
者皆得之傳聞故曰逸詩或謂逸詩皆夫子所刪此淺

學之臆說也

五候

昭二十三年傳明其伍候董遇本作五候云四方及國中之姦謀也案周禮環人察軍慝鄭注慝陰姦也謂軍中有爲慝者馥謂國中軍中其令一也

幹

昭二十五年傳唯是楸枂足以藉幹者案僖二十三年傳駢脅正義引說文駢脅并幹也晉語作駢脅韋注駢脅并幹也廣雅脅幹謂之肋春秋元命苞人膀八幹杜育菽賦脯則正脅通幹

匕矢鏃

昭二十六年傳射之中楯瓦繇胸汰輈匕入者三寸注云匕矢鏃也正義云今人猶謂箭鏃薄而長闊者爲匕馥案方言凡箭其廣長而薄鏃者謂之錐或謂之鈹郭注云江東呼錐箭馥謂匕錐聲近字異物同

鑿

苑子荆林雍斷其足鑿而乘於他車以歸杜注鑿一足行正義云說文鑿金聲也蓋擊金爲聲亦名鑿馥案說文鑿讀若春秋傳曰鑿而乘它車是傳本作鑿故杜訓一足行轉寫通作鑿正義望文爲義失之今說文闕鑿

字玉篇𨔵一足行貌廣韻𨔵一足跳行梅聖俞送寧鄉令張沆詩𨔵學林雍𨔵

五經文字鑿金聲也又一足行貌其誤與正義同

莫然清靜

昭二十八年傳引詩莫其德音而說之云德正應和曰莫杜注莫然清靜案說文漠清也今詩作貊傳云貊靜也釋文引韓詩作莫樂記引詩亦作莫貊卽貉釋詁貊靜也又云貉嘆定也釋文嘆本亦作莫詩又云求民之莫箋云求民之定釋言漠清也樊光云漠然清貌楚辭遠游漠虛靜以恬愉兮此皆清靜二義

龍輔

昭二十九年傳獻龍輔於齊侯杜注龍輔玉名正義云
說文云璫禱旱玉也爲龍文馥案龍輔謂龍節以玉爲
函輔非禱旱之璫

狸製

定九年傳衣狸製杜注製裘也案裘當爲褻字之誤也
哀二十七年陳成子救鄭及濮兩成子衣製杖戈杜注
製雨衣也說文褻艸雨衣褻褻形似故誤也同一製字
此訓雨衣彼訓裘杜氏不應矛盾後人因狸可爲裘妄
改之

麋

哀二年傳羅無勇麋之八年傳及路麋之以入杜注麋束縛也釋文音上隕反今吾鄉猶有此語其字作麋玉篇麋束縛也廣韻云左傳無勇麋之束縛也

及良而卒

哀十五年傳楚伐吳陳使公孫貞子弔焉及良而卒吳人云以水潦之不時無乃廩然隕大夫之尸芋尹蓋曰雖隕於深淵則天命也非君與涉人之過也馥審其前後之言貞子歿於水杜注孔疏皆未之及

衷甸

哀十七年傳良夫乘衷甸杜注衷甸一轅卿車案說文
佃中也引傳乘中佃又解云一轅車徐鍇繫傳曰佃謂
中也古載物大車雙轅乘車一轅當中也馥案卿車廣
韻作輕車今河南有一轅車

發聲

呼役夫呼發聲集韻音許箇切今蘇州松江人發聲類
此

及

武虛谷問宣十四年傳屨及於室皇劔及於寢門之外
車及於蒲胥之市及字何解馥荅曰追而及之也讀如

矯及諸其車之及楚王未納屨未帶劔未乘車急遽而走左右奉屨追及於望皇奉劔追及於寢門之外御者駕車追及於蒲胥之市此猶宋武帝往西州幸徐羨之便步出西掖門羽儀絡驛追隨已出西明門矣呂氏春秋齊君乘駟而自追晏子及之國郊此及字義也成六年鄭伯朝晉子游相授玉於東楹之東鄭伯行疾東過子游奉玉及於東楹之東以授之與楚事相類

無棣

賜我先君履東至於海西至於河南至於穆陵北至於無棣杜注穆陵無棣皆齊境馥謂管仲此言盛稱踐履

之遠欲以威楚不皆齊境京相璠曰無棣在遼西孤竹縣漢書地理志遼西郡令支縣有孤竹城管仲舉此者以曾伐山戎也齊語北伐山戎荊令支斬孤竹韋昭注二國山戎之與也管仲特舉無棣使楚知畏實非齊先君踐履之界若但舉齊之四境不足威楚出言何謂且楚自知之無煩界量矣

史記齊世家及周成王少時管蔡作亂淮夷畔周乃使召康公命太公曰東至海西至河南至穆陵北至無棣五侯九伯實得征之集解引服虔曰是皆太公始受封土地疆境所至也索隱云舊說穆陵在會稽

非也按今淮南有故穆陵關是楚之境無棣在遼西
孤竹服虔以爲太公受封境界所至不然也蓋言其
征伐所至之域馥謂小司馬說是也管仲舉楚境之
穆陵以證齊伐楚非無因涉其地穆陵旣爲楚境則
無棣定非齊境矣

屈產之乘

晉荀息請以屈產之乘假道於虞公曰是吾寶也杜注
云屈地生良馬案屈產者馬之產晉地者也屈卽士蔣
爲夷吾所築之屈也其後夷吾與秦戰乘鄭所獻小駟
慶鄭曰古者大事必乘其產生其水土而知其人心安

其教訓而服習其道唯所納之無不如志今乘異產以從戎事及懼而變將與人易亂氣狡憤陰血周作張脈偪興外疆中乾進退不可周旋不能君必悔之馥謂以屈產爲寶爲其晉產不同於異產也

服虔亦以屈爲地名產爲產生惟何休謂屈產之地出名馬

介雞

東坡先生曰國志云介雞產於此

介其雞說者謂介爲甲韋昭云以芥傳雞羽案應璩雞詩芥羽張金距褚玠詩芥羽雜塵生梁簡文帝詩芥羽忽猜儔劉孝威詩翅中含芥粉庾信詩芥粉口春場

周王褒詩猜羣芥粉生竝作芥字

今雲南人鬪雞猶以辣椒傳其羽欲傷敵雞之目也
誦

子產相鄭有與人之誦案襄四年傳臧紇侵郕敗於狐
駘國人誦之晉語惠公入而背內外之賂與入誦之孔
叢陳士義篇孔子順曰先君初相魯魯人謗誦云云及
三年政成化行民又作誦云云馥謂此與鄭與人之誦
畧同詩誦言如醉王融策秀才文進講誦志以沃朕心
注云誦言也

灼

桓八年公羊傳夏曰祔何氏云薦尚麥魚始熟可灼故
曰祔案可灼當爲可灼釋天夏祭曰祔郭注新菜可灼
本何氏爲說也

記曰

僖二年公羊傳宮之奇果諫記曰脣亾則齒寒何休云
記史記也馥案記與志同左傳所稱前志軍志史佚之
志皆是也

暴桑

宣六年公羊傳活我於暴桑下者也注云暴桑蒲蘇桑
案左傳作駢桑然則蒲蘇卽嬖娑詩山有扶蘇傳云扶

蘇扶胥小木也馥謂扶蘇扶胥卽蒲蘇亦曰扶疏說文
扶扶疏四布也暴樸聲相近詩芄芃械樸傳云樸枹木
也箋云樸屬而生者枝條芃芃然釋木樸枹者郭注樸
屬叢生者爲枹詩所謂械樸枹櫟考工記凡察車之道
欲其樸屬而微至注云樸屬猶附著堅固貌也馥謂木
之叢生者始有扶疏之態李時珍曰樸櫟者婆娑之貌
其樹偃蹇其枝芃芃故也俗呼衣服不整者爲樸櫟以
此尉繚子吳起與秦戰舍不平隴畝樸櫟蓋以蔽霜露
漢書息夫躬傳僕遯不足數

方言樸聚也郭注樸藂相著貌易繫于苞桑釋木如

竹箭曰苞郭注篠竹性叢生釋木杓遁木魁癭郭注
謂樹木叢生根枝節目盤結硯磊釋文云遁迫也謂
叢攢迫而生

昧

襄二十七年公羊傳昧雉彼視何云昧割也時割雉以
爲盟釋文云昧舊音刎𠂔粉反一音末又音蔑案文從
本末之末傳寫或從午末字者誤玉篇昧莫割切廣韻
莫撥切春秋吳子夷昧卒釋文昧音末馥謂昧訓割以
聲爲義今俗謂刎爲抹脖子

側

昭二十五年公羊傳以人爲菑何云菑周埒垣也所以分別內外衛威儀今大學辟雍作側字疏云謂何氏所注者是菑字今漢時大學辟雍所讀者是側字案辟雍當爲辟廱卽牆也言漢以大學之辟廱名爲側非大學辟廱讀此傳文爲側也

詒

定元年穀梁傳夫清者非可詒託而往也必親之者也范注詒託猶假寄馥案詩子寧不嗣音嗣韓詩作詒云詒寄也曾不寄問也

未盡

哀二年春秋取鄆東田及沂西田穀梁傳取鄆東田鄆東未盡也及沂西田沂西未盡也注云以其言東西則知其未盡也馥案王制西不盡流沙南不盡衡山東不盡東海北不盡恒山斷長補短方三千里爲田八十萬億一萬億畝此言不盡卽穀梁未盡

嘔血

哀二年左傳吾伏弔嘔血賈注面汚血曰嘔杜注嘔吐也釋文云嘔本又作啗吐也晉語作鹺血韋注面汚血曰鹺此本賈說案鹺或作啗新序兩手據地而歐之不出啗啗然馥謂啗吐血上伏而汚其面故曰面汚血曰

嘔

末滅

說文徐鍇本濊下云滅濊拭滅見鍇繫傳曰左傳三數
叔魚之惡不爲濊滅本此字今作末假借馥案滅濊當
爲波濊末滅當爲濊波集韻濊下云波濊拭滅說文滅
下云濊波也玉篇作波濊讀若茶撥之撥史記倉公傳望之
殺然黃徐廣讀殺爲蘇葛反馥謂濊波猶抹撥漢書谷
永傳末殺災異是也

距堙

乘堙而窺宋城注云堙距堙上城具案距堙見孫子兵

書魏武帝注云距堙者踊土少高而前以附其城也杜佑言土山卽孫子所謂距堙是也

人名誤字

諸城劉衛川泌爲余言士會當爲土會本杜姓去木存土詩桑土韓詩作桑杜是也趙衰當爲趙裒其字子餘釋詁裒多也易謙卦君子以裒多益寡是也馥謂晉先穀當爲穀故字彘子鄭公子喜宋樂喜竝字子罕罕借字當爲衍故宋公子衍字樂父

良恭

論語夫子溫良恭儉讓以得之皇侃疏行不犯物謂之

良馥案釋名良量也量力而動不敢越限也皇疏又云
和從不逆謂之恭馥案賈誼書接遇愼容謂之恭

復言

信近於義言可復也案哀十六年左傳吾聞勝也好復
言復言非信也杜注言之所許必欲復行之不顧道理
馥謂不顧道理則信不近義故曰非信

德

以直報怨以德報德賈誼書施行得理謂之德反德爲
怨案德本作惠說文惠外得於人內得於己也

雖欲勿用

雖欲勿用山川其舍諸案說文舊用也書微子今殷民
乃攘竊神祇之犧牲牲用汲豕周書用紂於南郊春秋
成十七年九月辛丑用郊公羊云或曰用然後郊僖十
九年邾人執繒子用之昭十一年楚師滅蔡執蔡世子
友以歸用之左氏傳平子伐莒取郕獻俘始用人於亳
社又介葛盧聞牛鳴曰是生三犧皆用之矣又賓孟見
雄雞自斷其尾侍者曰自憚其犧也遽歸告王曰雞其
憚爲人用乎又得用焉曰獲公羊傳於其歸焉用是乎
河說苑韓褐子濟于河津人告曰夫人過于此者未
有不快用者也而子不用乎韓褐子曰天子祭海內之神

諸侯祭封域之內大夫祭其親士祭其祖禰禡也未得
事河伯也

左傳宋公使邾文公用郕子于次睢之社杜注此水
次有妖神蓋殺人而用祭穀梁云用之者叩其鼻以
衄社也范注取鼻血以釁祭社器馥案呂氏春秋湯
以身禱於桑林翦其髮割其爪以爲犧未嘗殺身穀
梁說是也唐武后有疾令閭朝隱禱少室山朝隱沐
浴伏身俎盤爲犧此亦用之之義吐蕃傳三歲一大
盟用人馬牛驢爲牲凡牲必折足裂腸陳於前使巫
告神曰渝盟者有如牲馥謂殺人爲牲羌夷之俗中

國不應爾定四年左傳王割子期之心以與隨人盟
注云當心前割取血以盟未至其心伍輯之從征記
臨沂厚上閒有次睢里社常以人祭襄公使邾子用
是鄆子處相承雇貧人命齋潔祭時縛著社前如見
牲犧

汶上

則吾必在汶上矣玉海引曹氏曰汶在齊南魯北言欲
北如齊也馥案水以北爲陽凡言某水上者皆謂水北
亾

亾之命矣夫亾讀如無漢書宣元六王傳夫子所痛曰

蔑之命矣夫顏師古曰蔑無也

新序作末之命矣夫末蔑聲相近說文苜讀若末

幾諫

事父母幾諫案曲禮不顯諫鄭注謂明言其君之惡不
幾微

畫寢

宰予畫寢舊說畫當爲畫謂刻畫寢室案周書蘇綽傳
若刀筆之中而得澆偽則是飾畫朽木說目一時不可
以充榱椽之用也此本論語

嗟

廣韻唁弔失國嘽弔失容論語由也嘽鄭注子路之行
失於畔嘽疏云舊注作𠵽嘽字書云𠵽嘽失容也馥案
宋書始平王子鸞傳弔新宮之奄映嘽壁臺之蕪踐左
氏春秋齊侯使高張來唁公釋文唁音彥

文史辭達

文勝質則史又曰辭達而已矣聘禮記辭多則史少則
不達辭苟足以達義之至也

鄆人

孰謂鄆人之子知禮乎案文十五年左傳卞人以告注
云卞人魯下邑大夫正義云治邑大夫例呼爲人孔子

父爲鄆邑大夫謂之鄆人

約

不仁者不可以久處約坊記小人貧斯約注云約猶窮也楚辭招魂土伯九約注云約屈也定三年左傳君以弄馬之故隱君身杜注隱憂約也

政事

其事也如有政雖不吾以吾其與聞之孟子發於其政害於其事左傳爲政事庸力杜注在君爲政在臣爲事

躁

言未及之而言謂之躁釋文云魯讀躁爲傲案荀子勸

學篇不問而告謂之傲

憊然

夫子憊然皇侃曰憊然猶驚愕也案三蒼憊失意兒也怪愕之詞也

稻

食夫稻稻謂黏者說文稊稻不黏者是不黏者非真稻矣又云沛國謂稻曰稊稊俗作糯音奴臥切黏者也又云糴稻餅也饊熬稻饊饊也餌粉餅也糴熬餌黏也此數味以稻作之皆黏乃真稻矣凡穀皆以黏爲上秣稷之黏者也糴紅而黏芑白而黏與秣秣並稱嘉穀是也

穀貴黏者爲其可以釀也聘禮注凡酒稻爲上黍次之
梁次之說文秬一稗二米所以釀也鬯以秬釀鬱艸黍
禾屬而黏者也孔子曰黍可爲酒禾入水也八月黍成
可爲酎酒酒之用大矣漢書食貨志酒者天之美祿帝
王所以頤養天下享祀祈福扶衰養疾百禮之會非酒
不行

漢律稻米一斗得酒一斗爲上尊稷米一斗得酒一
斗爲中尊粟米一斗得酒一斗爲下尊顏師古曰稷
卽粟也中尊者宜爲黍米不當言稷馥案稷謂秫也
秫爲稷之一種故秫亦得稱稷杜康始作秫酒

晉書說論語

晉書食貨志引論語加之以師旅因之以饑饉此言兵
凶之謀而沴氣應之也案潘岳關中詩師旅既加饑饉
是因

遠庖廚

孟子遠庖廚案內則天子之閣左達五右達五注云五
者三牲之肉及魚腊也正義引崔氏云宮室之制中央
爲正室正室左右爲房房外有序序外有夾室天子尊
庖廚遠故左夾室五閣右夾室五閣玉藻君子遠庖廚
凡有血氣之類弗身踐也

踵門

踵門而告文公趙注踵至也案莊子德充符踵見仲尼郭注踵頻也說文踵往來兒馥謂踵門頻至門也

易其田疇

易其田疇注云易治也案檀弓易墓非古也注云易謂芟治草木

布縷

有布縷之征案周禮廛人掌紵布鄭司農云紵布列肆之稅布

隱几

隱几而臥趙注隱倚其几而臥案檀弓既葬而封廣輪
揜坎其高可隱也注云隱據也封可手據隱正作雪說
文雪所依據也讀與隱同

畫

風俗通孟嘗君逐於齊見反譚子迎於瀋史記田單傳
燕入齊聞畫邑人王蠋賢封以萬家水經注淄水云王
蠋墓在瀋水南山西馥謂孟子宿於畫當作瀋蓋地以
水得名傳寫省水作畫又謠作畫廣韻瀋水名在齊

好勇鬪很

好勇鬪很以危父母正義云好勇暴好爭鬪好頑很以

驚危父母案曲禮很母求勝鄭注很閱也謂爭訟也唐書高麗傳今男生兄弟閱很通鑑辛毗論袁譚袁尙兄弟譏閱胡三省注閱關也很也戾也馥謂關很卽爭訟非爭鬪頑很

範我馳驅

吾爲之範我馳驅孫氏音義云範我或作范氏范氏古之善御者馥謂范當爲範範法也馳驅有法故曰範氏與考工記稱某氏同後之世其業者卽爲範姓所見古銅印範姓皆從竹隸體竹艸不分今爲從艸之范矣

檣杙

楚之檇机借机字當爲檇拙說文拙斷也槁斷木也引
春秋傳槁拙徐鍇繫傳拙之言兀也槁拙短木

挫

思以一毫挫於人若撻之於市朝秦策甘茂曰公孫衍
檇里疾挫我於內史記蜀守馮當暴挫注云暴雪以挫
人淮南說山訓君子不入市爲其挫廉也高注挫辱也
山徑之蹊間介然用之而成路

山徑之蹊閒介然絕句文選長笛賦是以閒介無蹊人
迹罕到五臣注云竹間介然幽深無蹊徑人迹稀至也
襄九左傳介居二大國之間杜注介猶閒也閒介連

文不得以介下屬又案法言山經之蹊李九函谷關賦
於北則有蕭居天井壺口石徑法言所云山經賦所云
石徑卽井陘之陘爾雅山絕陘是也孟子山徑亦山陘
李善引孟子

文選江文通詣建平王上書剖心摩踵李善云孟子曰
墨子兼愛摩頂致於踵利天下爲之劉熙曰致至也又
任彥升奏彈曹景宗自頂至踵李善云孟子曰墨子兼
愛摩頂致於踵趙岐曰致至也案今本作放踵又放乎
四海趙注放至也

擴充

知皆擴而充之矣字又作橫集韻橫充也或借韓字新
序譬之其猶韓革者也大則大矣裂之道也馥謂依字
作彊張弩使滿也

丹封案禮記祭義溥之而橫乎四海孔子閒居孔子
曰夫民之父母乎必達於禮樂之原以致五至而行
三無以橫於天下鄭注橫充也疑竝橫之借字

憫

阨窮而不憫注云憫憊也案廣雅憫憊也說文悶憊也
易乾卦遯世无悶

稱貸

又稱貸而益之案漢書食貨志當其有者半價而賣
者取倍稱之息顏師古曰稱舉也俗謂之舉錢周禮小
宰聽稱責以傳別先鄭云稱責謂貸予

標

標使者出諸大門之外案莊十三年公羊傳曹子標劔
而去之何注標辟也

折枝

爲長者折枝案續說苑宦者田鵬爲周人所獲問齊主
所在給云已去周人折其支每折一支辭色愈厲四支
俱絕而死馥案枝支皆借字當爲肢孟子折枝猶今之

按摩動搖其四肢也周人折支拉斷其四肢也

追蠡

考工記鳧氏爲鐘鐘縣謂之旋旋蟲謂之幹案幹所以制旋者字當爲幹說文幹蠡柄也馥謂卽孟子所云追蠡

穀觶

吾不忍其穀觶周成難字云斗擻穀觶也穀音都穀反觶音蘇穀反

函人

函人惟恐傷人案陳琳武庫賦鎧則東胡闕鞏百鍊精

剛函師振錐韋人製縫

札樸第二

山陰 李信 校正